



Број/Број: 03-50-1-60-12-9/10

Сарајево/Sarajevo 01.07.2010. godine

## ZAPISNIK

### 12. sjednice Odbora za žalbe građana Parlamentarne skupštine Bosne i Hercegovine, održane 23.06.2010. godine

Dvanaestu sjednicu Odbora za žalbe građana Parlamentarne skupštine BiH sazvaо je predsjednik Odbora, Mate Miletić.

Sjednici Odbora, u svojstvu članova, prisustvovali su: Amela Bašić – prva zamjenica predsjednika, Borislav Radić – drugi zamjenik predsjednika, Danica Berić, Marijan Milićević, Ermin Pešto i Hamida Karčić, te Aida Kreho - privremeni sekretar Odbora za žalbe građana Parlamentarne skupštine Bosne i Hercegovine.

Sjednici su, također, prisustvovali: Mirza Lišinović i Zoran Savić iz Državne agencije za istrage i zaštitu, Rasim Ređo iz Granične policije Bosne i Hercegovine, te Fatima Miletić iz Policijske misije Evropske unije.

Sjednica Odbora počela je u 14 sati.

Nakon što je konstatirano da postoji kvorum, predložen je sljedeći

### DNEVNI RED

1. Usvajanje zapisnika sa 11. sjednice Odbora za žalbe građana Parlamentarne skupštine Bosne i Hercegovine;
2. Razmatranje žalbi na rad pripadnika Granične policije BiH i Državne agencije za istrage i zaštitu;
3. Tekuća pitanja.

Dnevni red je jednoglasno usvojen.

## **Ad.1. Usvajanje zapisnika sa 11. sjednice Odbora za žalbe građana Parlamentarne skupštine Bosne i Hercegovine**

Zapisnik sa 11. sjednice Odbora za žalbe *jednoglasno je usvojen.*

## **Ad.2. Razmatranje žalbi dostavljenih od Granične policije BiH (izvjestioci: Mate Miletić, Ermin Pešto, Borislav Radić)**

Predstavnik Granične policije BiH upoznao je članove Odbora sa načinom rješavanja predstavke broj: 03-50-2-761A/10, zaprimljene 09.06.2010. godine, po kojoj je, kao izvjestilac ispred Odbora, zadužen Ermin Pešto. Također, u skladu sa Zaključkom usvojenim na 11. sjednici Odbora, predstavnik Granične policije dostavio je i svu dodatnu dokumentaciju u vezi sa predmetnom žalbom.

Također, iako postupak nije okončan, razmatrana je i žalba broj: 03-50-2-761B/10, od 09.06.2010. godine, po kojoj je, kao izvjestilac ispred Odbora zadužen Borislav Radić. Predstavnik Granične policije BiH upoznao je članove Odbora sa radnjama koje su se poduzele, te radnjama koje će tek uslijediti i obavezao se dostaviti Odboru za žalbe građana svu neophodnu dokumentaciju po okončanju postupka.

U vezi sa žalbom broj: 03-50-1-60-9-3/10 od 04.06.2010. godine, po kojoj je izvjestilac ispred Odbora bio Mate Miletić, predstavnik Granične policije je izjavio da se radilo o pogršci prilikom dostavljanja navedene predstavke.

Istovremeno, Odboru su predate i tri nove predstavke građana. Kao izvjestioci ispred Odbora zaduženi su: Ermin Pešto (žalba broj:03-50-1-60-12-4/10), Hamida Karčić (žalba broj: 03-50-1-60-12-5/10), te Amela Bašić (žalba broj: 03-50-1-60-12-6/10).

Predstavnici Državne agencije za istrage i zaštitu upoznali su članove Odbora sa načinom na koji je riješena predstavka građanina broj: 03-50-2-761-1/10, od 10.06.2010. godine, po kojoj je, kao izvjestilac ispred Odbora zadužen Mate Miletić. Također, dostavljena je i sva neophodna dokumentacija u vezi sa predmetnom žalbom.

Istovremeno, Odboru je dostavljena i žalba broj: 03-50-1-60-12-3/10, po kojoj je, kao izvjestilac zadužen Borislav Radić.

Članovi Odbora jednoglasno su donijeli Zaključak da se, unutar Odbora za žalbe građana formiraju dvije radne grupe, od kojih bi jedna pratila rad po predstavkama Granične policije BiH, a druga rad po predstavkama Državne agencije za istrage i zaštitu. U tom smislu, u grupu za praćenje aktivnosti Granične policije BiH imenovani su Ermin Pešto, Amela Bašić i Hamida Karčić, dok su u grupu za praćenje aktivnosti Državne agencije za istrage i zaštitu imenovani Borislav Radić, Marijan Milićević i Danica Berić. Mate Miletić imenovan je za koordinatora u obje radne grupe.

### **Ad.3. Tekuća pitanja**

#### **a) Zabilješka sa sastanka Odbora za žalbe građana i Državne agencije za istrage i zaštitu i Granične policije BiH**

Članovi Odbora su jednoglasno primili k znanju Zabilješku sa sastanka Odbora za žalbe građana i Državne agencije za istrage i zaštitu i Granične policije BiH.

#### **b) Informacija o zaprimljenim predstavkama građana na rad policijskih službenika Granične policije BiH**

Informaciju o zaprimljenim predstavkama građana na rad policijskih službenika Granične policije BiH, članovi Odbora primili su k znanju.

#### **c) *Realizacija Orjencionog Plana rada Odbora za žalbe građana za 2010. godinu***

Izuzev aktivnosti koje se odnose na studijsku posjetu članova Odbora za žalbe građana jednoj od zemalja EU koja ima dobra iskustva i pozitivnu praksu u radu odbora sličnog Odboru za žalbe građana, članovi Odbora zaključili su da je Radni plan za prvu polovinu 2010. godine u potpunosti ispoštovan. Također, intenzivno se radi i na realizaciji studijske posjete. U cilju ispunjavanja obaveza propisanih za mjesec june i jula tekuće godine, članovi Odbora odlučili

su održati sastanak sa Kolegijem Sekretarijata Parlamentarne skupštine BiH, a na sastanku je predviđeno da se razgovara o uvjetima rada Odbora, imajući u vidu obavezu Sekretarijata Parlamentarne skupštine BiH da Odboru osigura pružanje stručne i administrativno-tehničke pomoći.

*Sjednica Odbora za žalbe građana završena je u 15.30 sati.*

Privremeni sekretar  
Odbora za žalbe građana  
Aida Kreho

Predsjednik Odbora  
za žalbe građana  
Mate Milić